

صاحبي ، مديري ، محوري :



آبونه بدلي :
سنة لکي ۱۰۰ غروش
آتي آيلني ۵۰ »
اوج آيلني ۲۵ »

مخمس

۱۳۳۸

اداره خانه-ي :
شهرزاده باشندہ (تعالى اسلام)
جمعتي مرکز عموميسي
مرکز توزيني :
باب عالي جاده سنده (اتحاد
تجارت) کتبخانه-ي
اسلامک نفعنه خادم مقالات
مع التشر قبول و درج اولونور

يازانك شخصتي دكل ، يازنك احمي
نظر دفته آلتير .

دینی ، علمی ، ادبی ، اجتماعی و شمیر بیک شهری
مجموعه اسلامیدر

کلن یازیردن شایان قبول کوردولنلر تاریخ
صیراسیله درج اولونور .

في ۷ بوجوق غروش

۱۳۳۹ هجادی الاخره سنه مخصوص نسخه

عدد : ۸

مضمریات :

مخمس دینی و علمی : تعدد زوجات حقنه جناب بکه جواب - اسکلیل محمد عاطف . غزالینک روح حقنه کی تلقیاتی -
آقسه کیلی احمد حمدی . نصرانیت علماسنک مسلمانلق حقنه حسن شهادتی . رضا .
مخمس تصوفی : تکیه لک سبب انقراضی - طاهر المولوی . کلمات صوفیه . شیخ صفوت .
مخمس تاریخی : خاندان علم و معرفت - محمد عزت و محمد عارف . مستجابی زاده عصمت بک - سعاد المولوی . مدرس
یوسف افندی مرحوم - علی شوکت . تاریخ وفات . اسماعیل حق پاشا .
عالم اسلام : جاواده شیخ عبدالحی نک مقامی - سعدی .
مخمس ادبی : غنی کشمیری و بعض ایاتی - طاهر المولوی .
علاوه : هند ماصالری .

طوتولش . فقط سبزجه چکيلوب کتديکني وقبولرلرک
هيچ برينک آچيلمديغي دهشتله مشاهده ايتش .

(عبدالحی) نك مقامني تماميله زيارت ايتك ايجون
هر حالده ، بولونك تربه سندن اون ديقهلق مسافده
بولسان مفاره سني کورمك لازمدر . بوراده بر منبعدن
براق و طاتلي برصو آقار . صويك راز ايلروسنده جامع
اتخاذ اولنش ايجريسي قهلي برير واردر . زائرلرک
بعضيلري کيجه ني بوراده کچيرلرلر .. بوخل حقنده سياح
بعض مطالعات درميان ايدييور ودييورکه :

دين اسلام انتشار ايتمه دن اول مقدس بيلنمش اولان
محللر حال حاضرده دخی حرمله ياد اولنور . بو مفاره
شيخك موجوديتيله مقدس طائينمشدر . احتمال بوندن
اول بوراسي ديگر بر دين عنندهده مقدس ايدي .
سعدی



مخفل ادبي

غني کشمیری و بعض اياتی

ما بعد :

عنقا کله سي ؛ ادبيات شرقيه ده (معدوم) موقعندهده
قوللانيلير . آثار کترانه مدن بولونان :

صفحه کرداني قاموس حقيقت ايتمه

بولامازجا اوراده نکته بي جاي وفا

اوکا فرهنگ تخيلده بومعني ياراشير :

مرغ عنقاديمه در ، حل معماي وفا

قطعه سنده اولديني کي .

قدماي عرفاي مولويه دن صدقي دده نك « بي وجودلق ؛
بکافض اشهار ويرمشدر . غالبا قاف شهرتک عنقاسي هم که
بو قلقمدين طولاي وارم » ماننده بولونان :

مرادادست فيض بي وجودي نامدار يها

مکر عنقاي قاف اشتهارم نيستم هستم

بيت لطيفي ده بحث طولاييسيله در خاطر ايديله جک سناحت
عارفانه دندز .

تربه نك ياننده ، بوراده کيجه ني کچيرن زائرلري
يا غموردن محافظه ايجون اوستي اورتولواوزون برصوندورمه
واردر . اهالي مسلمان دن بعضيلري ؛ استخاره يا بمق ايجون
کيجه لين بوراده ياتار اويورلر .

هر کس بولونك زيارتنه کليز . چو چني اولميان بر
قادين ، اي برکار تأمين ايتك ايسته ين بر تاجر ، بورايه
مراجعت ايدر و مرادينه نائل اولور .

تربه نك اطرافي مالطه طاشلريله دوشنمشدر . ولينک
اصحابي بوراده ياتار . هر مقبرک باشي و آياغي بيوک بر
طاشله تثبيت اولنمشدر [۱] بومقبرلرک اورته سنده شيخك
برلي مالز مه سيله انشا اولنان مقامي کائندر . اوزري ديتدار
زائرلرک کتيروب تعليق ايتدکلري بز پارچه لري ايله
اورتوليدر . صندوقه نك اطرافي بر پارماقلاق ايله محاطدر .
بورايه کتيريلن و برابر کوبورولن ييه جکه متعلق هرشي
بر چوق درده دوا اولور . زيارت ائساننده قاميشلر ايجنده
کتيريلن صو ، اي بر علاج اوله جني کي عائله ايجون ده
وفات ايده ني ييقامغه دخی قوللانيلير . بزله کيرلنديکي زمان
دکيشديريلور واونلردن نماز بزي اعمال اولنور .

سياحک نقل ايتديکنه کوره ولينک بر چوق کرامتلي
واردر . عبدالحی اکثريا حکمدارک نزدينه چاغريله رق
علم کلامه عائد بر چوق مسائل حل ايدر ، بر اشارتيله
در حال اورته يه بر چوق مواد غذائيه کليرمش الخ ... بو
ولي حقنده الله ايديلن معلومات بر طاقم افسانه لر ايله
قاريشقدر :

ربيع الاول آينده بياض بر قبلان تربه ني محافظه
ايدرمش . اوحوالينک شيخلرندن بري او آقشام تربه ده
نماز قيلارکن بو حيواني کورمش ، قورقوسندن نطق

[۱] جاواده مقبرلرک شکلي پک مختلفدر . باش و آياق
اوجلرينه قونيلان طاشلر ، ارکاک ايجون مدور ، قادين ايجون
ياصبي در . بردانه سي باشک حذاسته ، ديکري - آوروپا اصولنه
مغاير اوله رق . بلک حذاسته اقامه اولنور . آرهنده کي مسافه
برمترودر . اوليالر ايجون بومسافه بر بچي ويا ايکي اوله ييلور .

(بزم جي پرستان سرکشي برطاق نه زاهد)

(که می ریزند مستان بی محابا خون مینارا)

[زاهد! ارباب عشرت مجلسنده قفا طومانی بیراق .

زیرا : سرخوشلر . چکینمکسزین صراحینک قانی
دوکرلر] .

زاهد : آزه قناعت ایدن ، متقی و پرهیزکار اولان
دیمکدر . نیتہ کیم اتقای اولیادن شقیق بلخی حضرتلری ،
کندیسنه :

— شقیق زاهد سنمیسک ؟ دییه صوران بغداد
خلیفه سنه :

— شقیق بنم اما ، زاهد سنسک . چونکه : متاع
قلیل اولان دنیا به قناعت ایتمشسک . جوابی ویرمشدر .
شعرا و مشایخ اصطلاحنده زهد خشک اربابنه ،
یعنی هم جاهل ، هم قابا صوفی اولانلره زاهد دینیلیر .
بونلر :

هم ایدر طعنه تحمل ، هم اولور سرجنبان
زاهده خرمی دیسنه ، یا بز اخفشمی دیسه م

و : زاهد بورتبه ثقلت تاج و قبا ایله

اوچق امیددی ایتز ایدی ایله اولماسه

و : زاهد ! بو برودتله اگر دوزخه کیرسهک

برلوله دخان یا قغه آتش بولامازسک

طرزنده شاعرلرک تشنیعنه و :

زاهد ! بزه طعن ایله مه حق اسمن او قور دیلر

صاقین افسانه سویله مه حضرته واریر یولز

أرنلرک چوقدر یولی جمله سنه دیدک بلی

قودیسونلر بزه دلی اوصالودن یکدر دیلر

وادیسنده درویشلرک تقریعه اوغرایه کلشلردر .

غنی نک دیکر برغزلنده و « حیثیت و شرفی اولمایان

زاهد ؛ ده کیز کنارینه کیده جک اولسه زهد خشکسک

تأثیریه ده کیزک دالغالری ، حصیر اورکولری حالی آیر

مألنده کی :

زاهد بی آبرو کر براب دریا رود

می شود موج حصیر از زهد خشکس موج آب

بیاتی ده لطیف و ساعرانه بر تعریفی جاویدر .

حافظک :

زاهد ظاهر پرست از حال ما آگاه نیست

در حق ماهر چه گوید جای هیچ اکراه نیست

یعنی « ظاهر بین و صورت پرست اولان زاهد ؛ حالمزه

واقف اولمادیغندن حقمنزده نه سویله مش اولسه اهمیتی

یوقدر « دییه تصویر ایله دیکی خام ارواح کروهنک ظواهره

باقوبده ارباب کماله اعتراضه قالدیشمالری لایق اولمادیغنی ،

حتی شوحر کتک حقلرنده منوی تهلهکدن سالم بولونمادیغنی

غنی کشمیری شو بیتیه آکلاتیور . سرخوشلرک بی محابا


صراحینک قانی دو کدکاری مقام تهدیده خبرویریور .

(سرکشی برطاق نهادن) قفا طومادن واز کچمک ،

(خون میناریختن) صراحینک قانی دو کک ، یعنی

انچنده کی مایی قدحه بوشالتمق دیمکدر .

طاهر المولوی



سلطانی مأذونلرندن عاکف بکه :

سؤالکنزه کلهجک نسخهده جواب ویریه جکدر .

چارشینک مرجان قاپیسی جوارنده ، مرجان خاننک

قارشیسنده کی قاضی قمری خاتنده

اسلام مارانغوزی حسین دانش بک

متانت ، ظرافت واهون فیثاتله مارانغوزلغه متعلق هر نوع

اعمالاتی درعهده ایدر . کفالت مقابلنده تقسیطله دخی ایش

یابار .

اوقاف اسلامیه مطبعه سی مبر مسؤل : طاهر المولوی